

che questa Maestà mostrò restar satisfied, dicendo il Papa et l'imperator fa asaper esser cussi per servirse de maior autorità a la loro liga. Poi disse: avete fato una leze soto pena capital che proibisse che alcuno non ardisca significar le cose dil Consejo di X et di Pregadi, dicendo quela Signoria se governa prudentissimamente, et questa deliberation è stata sapientissima, perchè io ve affermo che la mazor parte de le cose vostre se intendeva, dimostrando dir questo con carità et con parole et con gesti. Poi disse haver hautò che la Signoria havia fato 30 milia fanti tra Padoa et Treviso et lochi circumvicini. Risposi: queste sono gente solite che si fa la risegna a questo tempo; et Soa Maestà disse: lo credo. Poi dimandò quando credeva che le galie fusse de quì. Dissi teniva le sariano per tutto novembriò proximo. Et Soa Maestà disse quando havia nove de Italia et dil Turco, ge lo facesse intendere. Poi mi menò da la raina Anna et la salutai.

*Dil dito, di 27. ricevute a di 21 Mazo.* Come per ordine regio furono avvertite tutte le corte de questa città che non ardiscono parlar de questo novo matrimonio et di la regina Anna se non bene et se aparechino le feste et spese solite farse da la città per la incoronation de quela, la qual se celebrerà questa Pentecoste. Hanno *etiam* ordinato a li quatro ordeni de mendicanti che non permettino che alcuno predichi senza licentia de l'arziepiscopo. Et la cagione è stata, che havendosi ordinato che li predicatori admonissa el popolo a pregar Dio per el re et per la regina Anna, uno che predicò a Vas Monestier, non solamente parlò contra de esso matrimonio, ma disse pubblicamente al populo che i pregasse per il re et per la regina Caterina et per la principessa. Hanno ancora prohibito sotto *poena capitis* che alcuno ardisca nominar la regina Catarina. Domani se parteno alcuni dotori per Hyorcha, dove per esser l'altro episcopato de questo regno, farano un certo convento et alcune termination, in conformità de quanto hanno fato nel parlamento, et in la convocation de li ecclesiastici, et fra pochi zorni anderano in Franza el duca de Norfoleh, mastro Polet, maestro Briant, li vescovi de Vincestre et de Londra et l'abate de Vasmonestrier et alcuni altri de primi apresso questa Maestà, se dice per trovarse al convento a Niza, ma me vien afirmà da bon locho che il duca de Norfoleh o una parte de questi signori anderano a l'imperator. De le cose di Scozia non se sente altro. Questi mostrano dubitar grandemente non siegua le noze de la fiola dil re Christianissimo in esso re de Scotia. El tode-

seo mandato dal conte Palatino qui, è stà expedito et apresentatoli et datoli una letera. Parlando hozi 4 giorni col gran canzelier longamente, mi parlò de la liga fata in Bologna et publicata con la Signoria inclusa, come me disse questa Maestà. Scrive saria bon la Signoria scrivesse una letera che potesse mostrarla, de questo etc. Li lanzinech in Olanda sono numero 10 milia, nè hanno fin hora fato alcun movimento, è mossi contra olandesi, ma questi germani affermano esser per conto di Cesare.

*Di Franza, dil Justinian orator, da Paris, di 15 April, ricevute a di 22 Mazo.* Io sono zonto de quì, et inteso che il re Christianissimo mandoe 60 milia scudi a sguizari per conto de le pension ordinarie, ma è fama *de brevi* manderano franchi 100 milia, che sono scudi 50 milia, mezi per conto de debiti vechi et querelle. Se afërma da chi lo pò saper che li germani venero quì fo per causa de noze de madama Isabella de Navarra nel duca Federico de Baviera, a li qual è sta dato bone parole et speranze. Si dice se trata *etiam* uno altro matrimonio, la fiola de monsignor de Guisa in un altro principe de Germania. Si tien certo el re de Anglia, poi la morte de l'arziepiscopo Catrionense qual diferiva a dechiarir lo divortio, ora ha eletto in suo locho uno parente et familiarissimo de la marchesa Anna, si era per deliberar in Anglia dito divortio et quello exeguir, et facendolo per consequentia se separarà la obedientia al Pontefice. Ma questo orator anglico è quì non alde volentiera che se fazi tal novità de divortio, laudando la reina Catarina de sapientia, inocentia et pacientia, et cussi la fiola, et che era amata come se essa regina fusse dil sangue regal de Anglia, et la fiola per el simile. Et dice se il divortio succede se sarà in guerra con Cesare et con la Scozia. Et zerca dar la fiola a ditto re de Scotia, a questo re pareria Sua Maestà lo facesse. Ogni zorno de qui cresce la fama de lo abocamento dia far questo re Christianissimo a Niza de Provenza col Pontefice. È stà fato comandamento a tutti li zentilhomeni et arzieri de questa Maestà vengino a la corte per questo fra pochi zorni, et a tuti li oficiali de la corte, et perchè sempre ne sono quatro man de oficiali et di ordinario è solo che uno quarto de quel se opera, al presente tutti se redurano a questo viazo, et si redurà il re a Burges, poi se anderà in Provenza. Mo terzo giorno fu portato de quì el capelo dil cardinalato al reverendissimo archiepiscopo de Tolosa, qual è de linea ilegitima, ma de sangue real de la mason de Longavila, el qual zà uo anno, *vel* zircon, havea